

# **Благодарение за всякое благодеяние Божие**

## **Тропарь, глас 4-й**

Благодарни суще недостойнии раби Твои, Господи, о Твоих великих благодеяниях на нас бывших, славяще Тя хвалим, благословим, благодарим, поем и величаем Твое благоутробие, и рабски любовию вопием Ти: Благодетелю Спасе наш, слава Тебе.

## **Кондак, глас 3-й**

Твоих благодеяний и даров туне, яко раби непотребнии, сподобльшися, Владыко, к Тебе усердно притекающе, благодарение по силе приносим, и Тебе яко Благодетеля и Творца славяще, вопием: слава Тебе, Боже Всещедрый.

**Слава Отцү и Сынү и Святому Дүхү, и ныне и присно и во веки веков. Аминь.**

## **Богородичен**

Богородице, христианом Помощнице, Твое предстательство стяжавше раби Твои, благодарно Тебе вопием: радүйся, Пречистая Богородице Дево, и от всех нас бед Твоими молитвами всегда избави, Єдина вскоре предстательствующая.